


امور تحریریه ایچون فؤاد بکه
وامور اداره ایچون آرتین افندییه
مراجعت اولنور.



مسلمزده موافق آثار قبول اولنور.
درج ایدلین اوراق اعاده ایلماز.

مجله ادبیات

اداره خانه سی باب عالی جاده سنده
۵۲ نومرولو « شرکت مرتبیه »
مطبعه سیدر.



استانبول ایچون سنه لکی مطبعه دن
آلنق شرطیله ۴۰، طشره لره پوسته
اجرتیله برابر ۶۰ غروشدر.

نسخه سی ۱ غروش

پنجشنبه کوناری نشر اولنور ادبی، فنی و صناعی غزیه در

نسخه سی ۱ غروش

بونك ايجونده رسنی بر چاریك ساعت قدر بر لیترو ماء نصفه ایله ۳۰۰ غرام «تحت کبریتیت سود» دن مرکب اولان بانویه دالیریق کفایت ایدر. تصویر بو مایعدن چیقارلقدن صوکره یکریمی ساعت قدر آراده صیرمه ده دکشدریلان صویك ايجنده بر اقیله رق ییقاوق ايجاب ایدر.

ع. مظهر

قطب بوزلری

کره ارضك شمال و جنوب قطبیرینه متوجهاً خط استوا دن افتراق ایدلرکه هواك درجه حرارتی ازالیر. هله اللیجی درجه عرضدن اعتباراً انظار دقتك جسیم جسیم ساح بوز کومدیرینه تصادف ایتماسی قابل دکلدر، بونلره «بوز طاغیر» مغانسه دلالت ایدن (ایسه برغ) دینور.

قطبه طوغری چیلدقچه بوزلرک جسامتی آرتار، دکرلرک کورفلرک سطحی کاملاً حال انجمادده بولنور، براز ده ارتقا ایدیلرجه مایه منجمد دن متشکل حقیقی اطهره تصادف اولنور بو اطهر او درجه متین و مشیدرلرکه علی الاکثر سفائنک سیر وحرکتیه مانع و آهین کولله لرله دینملری غیر قابلدر بو بوز اوواجقلرندن اکثریا بی پایان صحرالر وجوده کلور «اسقوره سی» نام سیاح بو متحرک اووالردن ریسفی مشاهده ایتمشدرکه بونك اوزرنده بر آراهه الی فرسیخلک مسافه بی خط مستقیم اوزره بلا مزاحم و مشاق قطع ایدم بیلیمشدی، مشهور سیاح «توق» بوکی صحرای سابعدهن بریسنه تصادف ایدوب امریقای شمالیه آسیانك شمال طرفی یکدیگرینه ربط ایتدیکنی کورمش و بو متموج صحرانك عظیم کتله لرینك یکدیگرینه تصادقلرنده تصادم لرندن اصوات مدهشه ورعدکی بر ولوله عظیمه حصوله کلدیکنی ایشتمشدر.

بو بیاض طاغیرك منظر متحوله سنك

بردن بره عکس ایتدیردیکی الوان متحله ضیانك حلاوت دلکشاسی ایصسبز بوزقلردده غائب اولان برسیاحك بادئ بهت وانجذابی اولور، بیک سکز یوز الشمس سنه سنده شمال دکرلرنده بولان دو قنور ده ایله آثارنده بو خصوصه دائر تصادف اولنان فقرات آتیه شایان دقتدر:

«ایلك ایسه برغ» تصادف ایدیشمز دائره قطبه وصولرک صیاحی ایدی قویو سیس ایله محاط بولنان کتله منجمدهیه قارشى دگر اصوات دهشتنزا ایله یاریلدوردی، نوبتی از ده «طوبراق» ديه باغرمه جق اولدی لکن همان اوائاده انظار منزه دهشت ویرن او مدش هیکلک نشر ایتدیکی انحره مائیه اطرافزی قابلا دی، قورقونج حرکاتیه تهدید آمیز رفتاریله اوزرمنزه طوغری کلیدردی. بالای متقربدن قورتلق ايجون بولندیغمز موقعدن تباعده مسارعت ایلدک کوردیکمز شو مخوف شی تخمیناً اوچیوز قدم طولنده و یوز الی قدم ارتفاعنده ایدی. فقط بر مدت صوکره او شکل مهیب بغته انشقاق ایدرک کوزمنرک اوکنده بر ذروه شررافشان منکشف اولدی. ذرومك اطراف فیده کی عجیب الشکل حلزونلرک خفیف بخار ماء ایله محاط اولدقلى کورلدى.

ع. مظهر

مانظار - صورت زرع واستحصالی

مانظارك صورت عمومیه ده احوالندن بحث ایله اولبابده کی مطالعاتمز بعده بیان وتحریر اولمق اوزره بوراده صورت زرع واستحصاله دائر بعض معلومات ویره جکر: مانظارك زرع واستحصالی حقنده بیان اولنه جق تطبیقات براز مشکل و برازده وقته وزحمته محتاج ایسه ده حصول موفقیت شبهه سزدر. بناء علیه یازم جعمز شیلری دقله مطالعه ایتلرینی ارباب مذاقه شمیدین اخطار ایدرز:

کوبرمك انتخاب واستحضاری — معلوم اولدینی اوزره مانظار اکثریا کوبره لك محله یتیشیر، شو حالده الك اول بوندن بحث ایتك لازم کلیر. مانظار حصوله کتیرمك ایستینیلن یا صدقلره موضوع کوبره مطلوبه موافق بولماز ایسه بونده حصوله کلن مانظارلر کسب جسامت ایدم میوب اوجاقی قایلرلر. انتخاب ایدلش اولان کوبره سائر هر درلو سبزه و حبوبات یتیشدرلرکه مساعد اولورده مانظار حصوله الویرشلی بولنمه بیلیر. حیوانانك کوبره سی مانظار حصوله کتیرمنز. صیغیر، قویونده — ناصل بسیلر سه بسیلر سون — کوبره لری اصلاً الویرشلی دکلدر. مانظار زراعتی ايجون آت، مرکب، استر کوبره سی استعمال ایتك هپسندن ایدر. مرکب واستر کوبره سی آت کوبره سندن ده الویرشیلدر، مع مایه بونلرک هر زمان بولنه بیلیمه سی ممکن اوله. یه جفتدن بیکر کوبره سی ده قوللانیلیر. حیوانات مذکوره قوری اوت، آرپه و صمان کی شیلرله بسلمش بولنورسه کوبره لری مانظار زراعتیه ده الویرشلی اولمش اولور. کوبرمك، حیوانانك بوليله ایصالنامش اولمسنده دقت لازمدر.

مانظارك تخمنه کلنجه: بو تخمك الك اعلاسی مخصوصاً ترتیب اولنان یا صدقلرده حصوله کتیریلن تخملردر. اوزرندن زمان کچمش اولان یا صدقلردن النان تخم مقصدی تأمین ایدمیه چکندن تازه تخم تدارك ایديله. بيلمك ايجون مطلقاً یکدن یا صدقلر ترتیبی لازم کلیر.

مانظارك صورت زرعی — بالاده نوع و جنسی تعریف اولنان کوبره، کوزلجه دوزلدلش طوبراق اوزرینه سربلوب چاپه ایله تسویه واوت کوکی، صمان، قیل، مولوز کی مواد اجنبیه وار ایسه تفریق اولندقدن صوکره مربع الشکل یا صدقلره آریلیر. یا صدقلرک کوبرمك آزلغه چوقلغه کوره ۶۰ سانتیمترودن بر مترویه قدر یوکسك بولنمه سی لازمدر. یا صدقلر چاپه نك صرعی ایله دو کیلوب مؤخرأ اوزرینه چیقيله رق